



GARGAAR XAGGA SARE KA YIMID

WAXAA ISU KEENAY
WATSON GOODMAN

WAA INAAN LA IIBIN

GARGAAR XAGGA SARE KA YIMID

“GARGAAR XAGGA SARE KA YIMID” waa aayado isu dhow oo laga soo ururiyey meelo kala duduwan oo Kitaabka Qoduuska ah oo loo soo hagaajiyey dersiyo. Waxaan rumaysnahay in Kitaabka Qoduuska ah qudhiisu yahay faallada ugu wanaagsan ee lagu garto Qorniinka.

Hadalka Ilaah wuxuu ka yimadaa “xagga sare”; sida runta ahna wax buu u taraa kuwa qalbiyadoodu xaqnimada u gaajoodo oo u oomo. Marka qof toobad keeno, ee uu dembiga ka tago, ee uu Sayid Ciise Masiix qalbigiisa ku soo dhoweeyo, ee uu qalbigiisa oo dhan ku rumaysto inuu Sayid Ciise Masiix yahay Badbaadiyaha, ayuu Rabbigu qofkaas isu caddayn doonaa, wuxuuna ka rumaysan qalbigiisa gelin doonaa farxaddiisa iyo nabaddiisa. Anigu taas waxaan helay markay sannaddu ahayd 1937, oo tan iyo wakhtigaas xidhiidhkan Rabbiga ee yaabka leh marna ma goyn. Waxaan kaa baryayaa inaad imminka isaga isu dhiibtid oo aad u qaadatid Badbaadiyahaaga iyo Rabbigaaga haddaanad hadda ka hor saas yeelin.

—Watson Goodman (1920-2002)

Sharciga Kunoqoshadiisa 5:7-21

Aniga mooyaane ilaahyo kale waa inaanad lahaan.

Waa inaanad samaysan sanam xardhan, oo u eg waxa samada sare jira, ama waxa dhulka hoose jira, ama waxa biyaha dhulka ka hooseeya ku jira. Waa inaanad iyaga u sujuudin, ama u adeegin, waayo. . .

Waa inaanad magaca Rabbiga Ilaahaaga ah si been ah ugu hadal qaadin, waayo, Rabbigu eedlaawe u haysan maayo kii magaciisa si been ah ugu hadal qaada.

Dhawr maalinta sabtida inaad goduus ka dhigto sidii Rabbiga

Ilaahaaga ahu kugu amray. Lix maalmood wa inaad hawshootaa, oo aad shuqulkaaga oo dhan qabsataa, laakiinse maalinta toddobaad waa maalin sabti u ah Rabbiga Ilaahaaga ah. . .

Aabbahaa iyo hooyadaa u maamuus sidii Rabbiga Ilaahaaga ahu kugu amray. . .

Waa inaanad qudh gooyn.

Oo waa inaanad sinaysan.

Oo waa inaanad waxba xadin.

Oo waa inaanad deriskaaga marag been ah ku furin.

Oo waa inaanad damcin deriskaaga naagtiisa; oo waa inaanad damcin deriskaaga gurigiisa, iyo

beertiisa, ama addoonkiisa, ama
addoontiisa, ama dibigiisa, ama

dameerkiisa, ama waxa deris-
kaagu leeyahay oo dhan.

2

ILAAH KAMA DHUUMAN KARTID

Ayuub 34:21, 22

Ilaah indhihiisu waxay fiiri-
yaan jidadka binu-aadmiga, wu-
xuuna wada arkaa socodkiisa oo
dhan. Ma jiro gudcur ama hoos-
dhimasho toona oo ay kuwa xu-
maanta sameeyaa ku dhuuntaan.

Sabuur 139:8, 12

Haddaan samada koro, halkaa-
saad joogtaa; haddaan sariirtayda
She'ool dhex dhigtona, bal eeg,
halkaasna waad joogtaa. Xataa
gudcurku igama kaa qariyo, laa-
kiinse habeenku wuxuu u iftiimaa

sida maalinta oo kale. Gudcurka
iyo iftiinku waa isugu kaa mid.

Luukos 8:17

Wax qarsoon ma jiro oo aan
soo muuqan doonin, wax daboo-
lanna ma jiro oo aan la garan
doonin oo aan bannaan soo bixi
doonin.

Yeremiyah 23:24

Rabbigu wuxuu leeyahay, Mi-
yaa cidi isku qarin kartaa meelo
qarsoon oo aanan ka arki karin?
Waxaa kaluu Rabbigu leeyahay,
Sow anigu ma aanan ka buuxsa-
min cirka iyo dhulkaba?

Yacquub 1:22

Noqda kuwa hadalka yeela, oo ha ahaanina kuwa maqla oo keliya oo nafsaddooda khiyaaneeya.

Korintos Kowaad**6:9, 10**

Miyaydnaan ogayn in kuwa xaqqa darani ayan dhaxlayn boqortooyadii Ilaah? Yaan laydin khiyaanayn. Ama dhillayaasha, ama kuwa sanamka caabuda, ama kuwa sinaysta, ama khaanisiinta, ama tuugagga, ama kuwa wax badan damca, ama kuwa sakhraama, ama kuwa wax caaya, ama kuwa wax dulma, ma dhaxli doonaan boqortooyadii Ilaah.

Efesos 5:6

Ninnaba yuusan idinku khiyaanayn hadal an micne lahayn; waayo, waxyaalahaas daraaddood ayaa cadhada Ilaah ugu soo degtaa carruurta caasinimada.

Yooxanaa Kowaad 3:7, 8

Carruurtiyey, yaan cidi idin khiyaanayn; kii xaqnimo falaa waa xaq siduu isaguba xaq u yahay. Kii dembi falaa wuxuu yahay kan Ibliiska; oo Ibliisku tan iyo bilowgii ayuu dembaabayay.

Galatiya 6:3

Haddii nin isu maleeyo inuu weyn yahay isagoo aan waxba ku fillayn, wuu iskhiyaaneeyaa.

4 DEMBIGU WUXUU KEENAA DHIMASHO

Xesqiyel 18:20

Nafta dembaabtaa way dhi-man doontaa; wiilku ma uu qaad-dan doono xumaanta aabbaha, aabbuhuna ma uu qaadan doono xumaanta wiilka; ka xaqa ah xaq-nimadiisaa dul saarnaan doonta, oo ka sharka lehna sharnimadii-saa dul saarnaan doonta.

Yacquub 1:15

Dabadeed damacu kolkuu uu-raysto wuxuu dhalaa dembi, dem-biguna kolkuu weynaado wuxuu keenaa dhimasho.

Rooma 8:6

Jidhka kafikiriddiisu waa dhi-mashada, laakiinse Ruuxa kafiki-riddiisu waa nolosha iyo nabadda.

Maahmaahyadii 11:19

Xaqnimadu waxay u kacdaa xagga nolosha, sidaas oo kalena kii sharka raacaa wuxuu u raacaa dhimashadiisa.

Rooma 5:12

Haddaba sida dembigu nin ke-liya dunida ugu soo galay, dhima-shaduna dembiga ugu timid, si-daasaa dhimashadiina u gaadhay dadka oo dhan, waayo, waa la wada dembaabay.

Luukos 15:32

Waxaa inoo wanaagsanayd i-naynu reyreyanno oo faraxno, waayo, walaalkaagani waa dhin-tay, wuuna soo noolaaday; wuu lumay, waana la helay.

ILAAH WUXUU INAGALA HADLAA XAGGA 5 NAAGOFURIDDA

Matayos 5:32

Laakiin waxaan idinku leeyahay, Mid walba oo naagtiisa furaa sababta sinada aawadeed maahee, wuxuu ka dhigayaa inay sinaysato, oo kii guursadaa tii la furayna waa sinaystaa.

Luukos 16:18

Mid walba oo naagtiisa fura oo mid kale guursadaa wuu sinaystaa, oo kii guursadaa mid nin laga furay wuu sinaystaa.

Rooma 7:2, 3

Naagtii nin luhu sharcigay ugu xidhan tahay ninkeeda intuu nool yahay, laakiinse mar haddii nin-

ku dhinto, way ka furan tahay sharcigii ninka. Sidaas daraadeed inta ninkeedu nool yahay, hadday nin kale naag u noqoto, waxaa loogu yeedhi doonaa dhillo, laakiinse ninkeedu hadduu dhinto, sharciga way ka furan tahay.

Korintos Kowaad 7:10, 11

Laakiin kuwa guursaday waxaan ku amrayaa, kan amrayaa aniga ma aha laakiin waa Rabbiga, Afadu yaanay ninkeeda ka tegin. Laakiin hadday ka tagto, ha iska guur la'aato ama ninkeedii ha la heshiiso; oo ninkuna yaanu afadiisa ka tegin.

Rooma 13:13, 14

Sida iyadoo maalin ah aynu si quman u soconno, yaannaan ku socon rabsho iyo sakhraannimo, yaannaan ku socon wasmo iyo dhillanimo, yaannaan ku socon ilaaq iyo xaasidnimo. Laakiin Rabbi Ciise Masiix huwada, oo jidhka ha ka fikirina inaad damacyadiisa samaysaan.

Maahmaahyadii 23:31, 32

Ha fiirin khamrigu markuu caaado, markuu koobka ka dhex dhalaalo, iyo markuu si wanaagsan u shubmayoba. Ugu dambaysta wuxuu wax u qaniinaa sida

abeesada, oo sida jilbiskana wax buu u qaniinaa.

Galatiya 5:19-21

Shuqullada jidhku waa muuqdaan, waana kuwan, sino, wa-sakhnimo, dhillanimo, sanamcaabudid, sixirnimo, cadownimo, dirir, masayr, xanaaq, is-ilaq, iskala qaybqaybin, bidcinimo, xaasidnimo, sakhraannimo, rabshooyin iyo waxyaalo la mid ah. Kuwaas waan idiinka digayaa, sidaan markii horeba idiinku sheegay, in kuwa waxyaalaha caynkaas ah sameeyaa, ayan dhaxli doonin boqortooyada Ilaah.

Kolosay 3:2

Ka fikira waxyaalaha korka yaal, hana ka fikirina waxyaalaha dhulka yaal.

Tiitos 2:11, 12

Nimcadii Ilaah way muuqatay, iyadoo badbaado u keenaysa dadka oo dhan, oo ina baraysa inaynu cibaadola'aanta iyo damacyada dunida diidno, oo aynu wakhtigan haatan la joogo digtoonaa iyo xaqnimo iyo cibaado ku noolaanno.

Yooxanaa Kowaad 2:15, 16

Dunida iyo waxyaalaha dunida ku jira toona ha jeclaanina. Qof uun hadduu dunida jeclaado, ja-

caylka Aabbuhu kuma jiro isaga. Maxaa yeelay, waxaa dunida ku jira oo dhan oo ah damaca jidhka, iyo damaca indhaha, iyo faanka nolosha, xagga Aabaha kama yimaadaan ee waxay ka yimaadaan xagga dunida.

Efesos 5:11

Oo innaba xidhiidh ha la yeelanna shuqullada aan midhaha lahayn oo gudcurka, laakiinse kashifa.

Isayos 1:16

Maydha, oo isnadiifiya, oo faalimihiinna sharkooda indhahayga hortooda ka fogeeya, oo sharkaad samaysaan daaya.

8 DADKU MA WADA AHA CARRUURTII ILAAH

Yooxanaa 1:12

In alla intii Ciise aqbashay, wuxuu siiyey amar ay carruurtii Ilaah ku noqdaan, kuwaasu waa kuwii magaciisa rumaystay.

Yooxanaa Kowaad 3:10

Tan ayay carruurta Ilaah iyo carruurta Ibiisku ku kala muuqdaan; ku alla kii aan xaqnimo falin ma aha kan Ilaah, oo waxaa la mid ah kan aan walaalkii jecelayn. . .

Rooma 8:14, 15

In alla intii Ruuxa Ilaah hogaamiyo, waa carruurta Ilaah. Waayo, ma aydnaan helin ruuxa addoonnimada inaad mar kale

cabsataan, laakiinse waxaad heheen Ruuxa carruur idinka dhi-gay, kan aynu ku qaylinno Aab-bow.

Filiboy 2:15

Inaad ceeb iyo eed la'aataan, idinkoo ah carruurtii Ilaah oo aan iin lahayn, oo ku dhex jira qarni qalloocan oo qallafsan, kuwas oo aad uga dhex muuqataan sida nuurar dunida ku dhex jira.

Korintos Labaad 6:17, 18

Sidaa daraaddeed, Ka soo baxa dhexdooda oo ka soocma, ayuu Rabbigu leeyahay, oo ha taabani-na wax aan daahir ahayn; waanan idin aqbali doonaa. Waxaan

idiin ahaan doonaa Aabbe, oo i-
dinkuna waxaad ii ahaan doon-

DAACADNIMO KELI IHI INAGUMA FILLA 9

Markos 10:17-22

Goortuu jidka u soo baxay, mid baa ku soo orday oo intuu u jilba joogsaday ayuu weydiyey oo ku yidhi, Macallin wanaagsanow, maxaan sameeyaa inaan no-losha weligeed ah dhaxlo? Ciise wuxuu ku yidhi, Maxaad iigu yee-dhaysaa, Wanaagsanow? Mid wa-naagsan ma jiro mid maahee, kaasuna waa Ilaah. Qaynuunnada waad taqaan. Waa inaanad sinay-san, Waa inaanad qudh gooyn, Waa inaanad waxba xadin, Waa inaanad marag been ah furin,

taan wiilal iyo gabdho, ayuu Raab-biga Qaadirka ahu leeyahay.

Waa inaanad waxba dulmin, Aabbahaa iyo hooyadaana maa-muus. Wuxuu u jawaabay oo ku yidhi, Macallimow, kuwaas oo dhan tan iyo yaraantaydii ayaan dhawray. Markaasaa Ciise intuu eegay jeclaaday oo ku yidhi, Wax keliya ayaa kuu dhiman. Tag oo iibi waxaad haysatid oo dhan, oo masaakiintana sii, oo waxaad jan-nada ku lahaan doontaa maal; ee kaalay oo i soo raac. Hadal-kaas ayuu ka qulbay, wuuna ba-xay isagoo calool xun, waayo, wuxuu ahaa mid waxyaalo badan leh.

CIQAABTA WELIGEED AH EE CIBAADALAAWAYAASHA

Matayos 25:46

Kuwanuna waxay geli doonaan taqsiirta weligeed ah, kuwa xaqa ahse waxay geli doonaan nolosha weligeed ah.

Matayos 13:41, 42

Wiilka Aadanaha ayaa malaa'i-gihiisa diri doona, oo waxay bo-qortooyadiisa ka ururin doonaan wax kasta oo xumeeya iyo kuwa dembiga fala. Oo waxay ku tuuri doonaan foornada dabka, halkaas waxaa jiri doonta baroor iyo ilko jirriqsi.

Matayos 18:8

Haddii gacantaadu ama cagtaadu ku xumayso, iska jar, oo iska

tuur. Waxaa kuu wanaagsan inaad gacanla'aan iyo lugla'aan nolosha ku gashid intii adigoo laba gacmood iyo laba cagood leh lagugu tuuri lahaa dabka weligiis ah.

Butros Labaad 3:7

Laakiinse samooyinka haatan jira iyo dhulkaba isku eray baa dab loogu kaydiyey, oo waxaa loo hayaa maalinta xisaabta iyo haligaadda dadka cibaadalaawayaasha ah.

Sabuur 9:17

Kuwa sharka lahu waxay ku noqonayaan She'ool. Waana quruumaha Ilaah illoobay oo dhan.

Korintos Labaad 5:10

Waayo, dhammaanteen waa in layna wada muujiyo kursiga xukumaadda ee Masiix hortiisa, in qof kastaa helo siday ahaayeen waxyaalihii uu jidhka ku falay, ha ahaadeen wanaag ama shar e.

Rooma 14:12

Sidaasaa midkeen kastaba I-laah ula xisaabtami doonaa.

Butros Labaad 2:9

Rabbigu waa yaqaan sida kuwa cibaadada leh jirrabaadda looga samata bixiyo iyo sida kuwa aan xaqa ahayn loo hayo iyagoo ciqaaban ilaa maalinta xisaabta.

Cibraaniyada 9:27

Waxaa dadka looga dhigay inay mar dhintaan, taas dabadeedna la xukumo.

Falimaha 17:31

Ilaahi wuxuu dhigay maalin uu dunida si xaq ah ugu xukumi doono ninkuu dortay, taasoo uu dhammaan ugu caddeeyey sarakicidda uu isagii ka soo sara kiciyey kuwii dhintay.

Yooxanaa Kowaad 4:17

Taasaa jacaylku kaamil inoogu noqday si aynu kalsoonaan u lahaanno maalinta xisaabta; maxaa yeelay, siduu isaga yahay ayaynu innaguna dunidan ku nahay.

Sabuur 103:11

Sida samadu dhulka uga sar-rayso, sidaas oo kalaa naxariistii-su ugu weyn tahay kuwa isaga ka cabsada.

Sabuur 108:4

Naxariistaadu way ku weyn tahay samooyinka korkooda, oo runtaaduna waxay gaadhaa ilaa daruuraha.

Tiitos 3:5

Inaguma uu badbaadin shuqul-lada xaqnimada oo aynu samay-nay, laakiinse naxariistiisa aawa-deed wuxuu inagu badbaadiyey nadiifinta dhalashadii labaad iyo

cusboonaysiinta Ruuxa Qoduuska ah.

Baroorashadii 3:22, 23

Rabbiga naxariistiisa aawadeed ayaan laynoo baabi'in, maxaa yeelay, raxmaddiisu ma dham-maato. Subax walba way cusub yihiin, daacadnimadaaduna way weyn tahay.

Miikaah 7:18

Bal waa kee Ilaaha kula mid ahi, kaasoo xumaanta saamaxa, oo iska dhaafa xadgudubka kuwa dhaxalkiisa ka hadhay? Isagu sii ma cadhaysnaado weligiis, maxaa yeelay, naxariistuu ku farxaa.

Sabuur 103:17

Rabbigu wuxuu u naxariistaa kuwa isaga ka cabsada weligiis

iyo weligiisba, oo xaqnimadiisuna waxay la jirtaa carruurta carruurteeda.

ILAAH WUXUU INOO SHEEGAYAA INAAN 13 U NIMAADNO

Isayos 1:18

Rabbigu wuxuu leeyahay, Haatan kaalaya oo aynu u wada fiirsanne. In kastoo ay dembiyadiinu guduudan yihiin, sida baraf cad oo kalay u caddaan doonaan; oo in kastoo ay cascas yihiin, sida suuf oo kalay ahaan doonaan.

Yooxanaa 7:37

Maalintii u dambaysay, oo ahayd maalintii weynayd ee iidda, Ciise ayaa istaagay oo qayliyey isagoo leh, Haddii qof uun har-

raado, ha ii yimaado, hana cabbo.

Muujintii Ciise Masiix 22:17

Ruuxa iyo aroosadduba waxay yidhaahdaan, Kaalay. Oo kii maqlaana ha yidhaahdo, Kaalay. Oo kii harraadsanuna ha yimaado. Oo kii doonayaaba biyaha no-losha hadiyad ahaan ha u qaato.

Matayos 11:28

Ii kaalaya kulligiin kuwiinna hawshaysan oo culaabaysanow, oo anigu waan idin nasin doonaa.

Luukos 13:3

Waxaan idinku leeyahay, Maya, laakiin haddaanad toobad keenin, kulligiin sidaas oo kale ayaad u lumi doontaan.

Falimaha 2:38

Markaasaa Butros iyagii ku yidhi, Toobad keena, oo midkiin kasta ha lagu baabtiiso magaca Ciise Masiix dembidhaafkiinna aawadiis, oo waxaad heli doontaan hadiyadda ah Ruuxa Qoduska ah.

Falimaha 3:19

Haddaba toobad keena oo soo noqda, si dembiyadiinna loo firtiro, si ay wakhtiyo qabowjis lihii uga yimaadaan Rabbiga hortiiisa.

Falimaha 17:30

Haddaba wakhtiyaashii oqoon-la'aanta Ilaah baa dhaafay, laakiin hadda wuxuu dadka ku amrayaa in dhammaantood meel kastaba ha joogeene ay soo toobad keenaan.

Matayos 3:2

Toobad keena, waayo, boqortooyadii jannadu waa dhow dahay.

Korintos Labaad 7:10

Caloolxumaanta ah sida Ilaah doonayo waxay keentaa tobadda xagga badbaadada ee aan laga qoomamayn, laakiin caloolxumaanta dunidu waxay keentaa dhimasho.

Rooma 9:16

Sidaas daraaddeed xagga kan doonaya ma aha, xagga kan ordana ma aha, laakiinse waa xagga Ilaaha naxariista leh.

Roma 5:15

Hadiyaddu ma aha sida dembiga, waayo, haddii nim keliya dembigiis kuwa badanu u dhinteen, dee in ka sii badan waxaa kuwa badan u badatay nimcada Ilaah iyo hadiyadda nin nimcadiis ku timid, kan ah Ciise Masiix.

Falimaha 4:33

Rasuulladu xoog weyn bay sarakicidda Rabbi Ciise uga marag fureen; oo nimco badan baa dhammaantood ku soo dul degtay.

Butros Kowaad 5:5

Ilaah waa hor joogsadaa kuwa kibra, laakiinse kuwa is-hoosaysiiya ayuu nimco siiyaa.

Cibraaniyada 5:9

Oo gortuu kaamil noqday wuxuu kuwa isaga addeeca oo dhan u noqday sababta badbaadada weligeed ah.

Korintos Labaad 8:9

Waad garanaysaan nimcada Rabbigeenna Ciise Masiix in isagoo hodan ah uu aawadiin miskiin u nooday, inaad miskiin-nimadiisa hodan ku noqotaan.

Korintos Labaad 9:15

Ilaah ba mahad leh hadiyaddiisa aan la sheegi karin aawadeed.

Isayos 55:7

Ka sharka lihi jidkiisa ha ka tago, ninka aan xaq ahaynuna fikiradiisa; oo Rabbiga ha u noqdo, oo isna wuu u naxariisan doonaa, oo ha u yimaado Ilaaheenna, waayo, aad buu u saamixi doonaa.

Xesqiyel 18:21

Laakiinse ka sharka lihi hadduu ka soo noqdo dembiyadiisii uu sameeyey oo dhan, oo uu wada xajiyo qaynuunnadayda oo dhan, oo uu sameeyo waxa xalaa-sha ah iyo waxa qumman, hubaal kaasu wuu sii noolaan doonaa, mana dhiman doono.

Muujintii Ciise Masiix 3:20

Bal eeg, albaabkaan taagana-hay oo garaacayaa; haddaba haddii nin codkayga maqlo oo albaabka iga furo, waan u soo gelayaa, oo waan la cashayn, isna wuu ila cashayn.

Falimaha 5:31

Ilaah baa isaga gacantiisa midigeed sare ugu qaaday inuu ahaado Amiir iyo Badbaadiye si uu Israa'iil toobad iyo dembidhaaf u siiyo.

Matayos 6:14

Haddaad dadka u cafidaan xumaantooda, Aabbihiinna jannada ku jira ayaa idin cafiyi doona.

Butros Kowaad 1:23

Idinka mar kale laydinkuma dhalin abuur baaba'aya, laakiinse waxaa laydinku dhalay abuur aan baaba'ayn oo ah erayga Ilaah oo nool oo waara.

Korintos Labaad 5:17

Sidaas daraaddeed haddii qof Masiix ku jiro waa abuur cusub, oo waxyaalihii hore way idlaadeen, bal eega, wax waliba way cusboonaadeen e.

Yooxanaa 3:3

Ciise ayaa u jawaabay oo ku yidhi, Runtii, runtii, waxaan kugu leeyahay, Qof haddaanu mar kale

dhalan, boqortooyadii Ilaah arki kari maayo.

Xesqiyel 36:26

Oo weliba waxaan idin siin doonaa qalbi cusub, oo ruux cusubna waan idin gelin doonaa; jidhkiinnana qalbigii dhagaxa ahaa baan ka dhex bixin doonaa, oo waxaan idin siin doonaa qalbi jiidh ah.

Yooxanaa Kowaad 5:18

Waan og nahay in ku alla kii Ilaah ka dhashay aanu dembaabin. Maxaa yeelay, kii ka dhashay Ilaah naftisuu ilaaliyaa, oo ka sharka libina ma taabto.

Rooma 6:23

Mushahaarada dembigu waa dhimashada, laakinse hadiyadda Ilaah waa nolosha weligeed ah ee laga helo Rabbigeenna Ciise Masiix.

Yooxanaa 17:3

Tanu waa nolosha weligeed ah inay ku gartaan, adoo ah Ilaaha runta ah oo keliya, iyo inay gartaan Ciise Masiix, kii aad soo dirtay.

Yooxanaa 3:14, 15

Sidii Muuse abeesadii kor ugu qaaday cidlada, sidaasoo kale Wiilka Aadanaha waa in kor loo

qaado, in mid kastoo isaga rumaystaa uu lahaado nolosha weligeed ah.

Yooxanaa 5:24

Runtii, runtii, waxaan idinku leeyahay, Kii hadalkayga maqla oo rumaysta kii i soo diray, wuxuu leeyahay nolosha weligeed ah, xukunna geli maayo, laakiin dhimashadii ayuu ka soo gudbay oo nolosha u soo gudbay.

Yooxanaa 3:36

Kii Wiilka rumaystaa, wuxuu leeyahay nolosha weligeed ah, kii aan Wiilka rumaysanse, nolosha ma arki doono, laakiin ca dhadii Ilaah ayaa ku taal isaga.

DEMBI LA KALA DHINTAY — MASIIXA LALA 19

SARA KACAY

Kolosay 3:1

Haddii laydinla soo sara kiciyey Masiix, doondoona waxyaalaha korka yaal, meesha uu Masiixu joogo, isagoo fadhiya midigta Ilaah.

Butros Kowaad 2:24

Isagu dembiyadeennii wuxuu ku qaaday jidhkiisii geedka saarna, si innagoo dembi kala dhimannay aynu xaqnimo ugu noolaanno. Waxaad ku bogsateen xarijimihii karbaashiddiisii.

Rooma 6:2, 11

Innagoo dembiga kala dhimannay, sidee baynu mar dambe ugu dhex noolaannaa? Sidaas oo kale-

na idinku isku tiriya inaad dembiga u tihiin kuwo dhintay, oo aad Ilaah u tihiin kuwo nool xagga Ciise Masiix.

Galatiya 5:24

Kuwa Ciise Masiix waxay isku-tallaabta ku qodbeen jidhka iyo kacsigiisa xaaraanta ah iyo damacyadiisa sharka ah.

Efesos 2:1,6

Idinku waxaad ku dhimateen xadgudubyadiinna iyo dembiyadiinna. . . Oo innagana isagii buu inala soo sara kiciyey, oo wuxuu isagii inala fadhiisiiyey meelaha jannada xagga Ciise Masiix.

Samuu'eel Kowaad 12:15

Laakiinse haddii aydnaan dhegaysan codka Rabbiga, illowse aad ku caasiyowdaan amarka Rabbiga, dee markaas gacanta Rabbigu gees bay idinka ahaanaysaa, siday awowayaashiinba uga ahayd.

Tesaloniika Labaad 1:7-9

Ilaah kuwiinna la dhibay wuu nala kiin nasin doonaa markii Rabbi Ciise samada ka muuqdo, isagoo wata malaa'igaha xooggiisa oo dab ololaya ku jira, oo ka aargudanaya kuwa aan Ilaah aqoon iyo kuwa aan addeecin injiilka Rabbigeenna Ciise Masiix. Waxaa lagu ciqaabi doonaa ha-

laag weligiis ah, oo waxaa laga gooyn doonaa Rabbiga hortiisa iyo ammaanta xooggiisa.

Sharciga

Kunoqoshadiisa 11:26-28

Bal eega, maanta waxaan idin hor dhigayaa barako iyo habaar; barakada waxaad helaysaan hadaad dhegaysataan amarrada Rabbiga Ilaahiinna ah, oo aan maanta idinku amray. Habaarkuna wuxuu idinku dhacayaa haddaydnaan dhegaysan amarrada Rabbiga Ilaahiinna ah, laakiin aad gees uga leexataan jidka aan maanta idinku amray, oo aad ilaahyo kale oo aydnaan aqoon raacdaan.

Filiboy 2:11

In carrab kastaaba qirto in Ciise Masiix yahay Rabbiga in Ilaaha Aabbaha ah lagu ammaano.

Matayos 10:32, 33

Sidaa darteed mid walba oo igu qirta dadka hortiisa, anna waan ku qiran doonaa Aabbahayga jannada ku jira hortiisa. Laakiin ku alla kii igu dafira dadka hortiisa, anna waan ku dafiri doonaa Aabbahayga jannada ku jira hortiisa.

Rooma 10:9, 10

Haddaad afkaaga ka qiratid in Ciise yahay Rabbiga, oo aad qalbigaaga ka rumaysatid in Ilaah isaga ka sara kiciyey kuwii dhin-

tay, waad badbaadi doontaa, waa-
yo, qalbiga wax baa laga rumay-
staa xagga xaqnimada, afkana
wax baa laga qirtaa xagga bad-
baadinta.

Luukos 9:26

Ku alla kii ka xishooda aniga iyo hadalkaygaba, Wiilka Aadanaha ayaa ka xishoon doona isaga, goortuu ku yimaado ammaantiisa iyo ammaanta Aabbihiis iyo tan malaa'igaha qoduuska ah.

Yooxanaa Kowaad 2:23

Ku alla kii Wiilka inkiraa, ma leh Aabbaha; laakiin kan Wiilka qirtaa Aabbuhuu leeyahay.

MASIIXA KELIYA AYAA FURASHO LAGU HELI KARAA

Yooxanaa 10:9

Waxaan ahay illinka, haddii qof uun xaggayga ka soo galo, wuu badbaadi doonaa, wuuna soo geli doonaa oo bixi doonaa, daaq buuna heli doonaa.

Yooxanaa 14:6

Markaasaa Ciise wuxuu Toomas ku yidhi, Anigu waxaan ahay jidka iyo runta iyo nolosha. Ninna Aabbaha uma yimaado, xaggayguu ku yimaado maahee.

Yooxanaa 8:24

Haddaba waxaan idinku idhi, Dembiyadiinna waad ku dhiman doontaan, waayo, haddaynaan

rumaysan inaan isagii ahay, dembiyadiinna ayaad ku dhiman doontaan.

Falimaha 4:12

Mid kale badbaadada lagama helo, maxaa yeelay, ma jiro magac kale samada hoosteeda oo dadka dhexdooda loo bixiyey oo waajib inoo ah inaynu ku badbaadno.

Cibraaniyada 7:25

Sidaas daraaddeed dhammaan buu u badbaadin karaa kuwa Ilaah ugu dhowaada isaga, maxaa yeelay, isagu weligiis waa nool yahay si uu ugu duceeyo iyaga.

MASIIXA KELIYA AYAA FURASHO LAGU HELI KARAA

23

Kolosay 1:12-14

Mahad baannu u naqaynaa Aabbaha inaga dhigay kuwa istaahila inay ka qayb qaataan dha-xalka qoduusiinta nuurka ku jirta. Isagu waa inaga samata bixiyey xoogga gudcurka, oo wuxuu inoo beddelay boqortooyadii Wiilka jacaylkiisa, kaas oo aynu ku leennahay madaxfurasho ah dembidhaafka.

Muujintii Ciise Masiix 5:9

Waxay ku gabyeen gabay cusub iyagoo leh, Adigu waxaad istaahishaa inaad kitaabka qaadata oo aad shaabadihiisa furto;

waayo, waa lagu gowracay, oo waxaad Ilaah dhiiggaaga ugu soo iibisay dad ah qabiil kasta iyo af kasta iyo dad kasta iyo quruun kasta.

Tiitos 2:14

Isagu nafsaddiisuu u bixiyey aawadeen, inuu dembi oo dhan inaga furto oo uu inaga dhigto dad daahirsan oo uu isagu leeyahay oo ku dadaalaya shuqullo wanaagsan.

Luukos 19:10

Wiilka Aadanahu wuxuu u yimid innu kii hallaabay doondoono oo badbaadiyo.

Maahmaahyadii 16:25

Waxaa jirta waddo dadka la quman, laakiinse dhammaadkeedu waa jidadkii dhimashada.

Efesos 6:11

Hubka Ilaah oo dhan qaata, si aad u awooddaan inaad sirta Ibliiska hor istaagtaan.

Tesaloniika Labaad 2:9

Kaas imaatinkiisu waa sida shuqul Shaydaan oo leh xoog iyo calaamooyin iyo cajaa'ibyo been ah oo dhan.

Butros Kowaad 5:8

Feeyignaada oo soo jeeda, waayo, cadowgiinna Ibliiska ahu sida libaax ciyaya ayuu u wareegaa oo u doondoonaa cid uu liqo.

Falimaha 26:18

Inaad indhahooda furtid si ay gudcur uga soo jeestaan oo ay iftiinka ugu soo jeestaan, iyo inay ka soo leexdaan xoogga Shaydaanka oo ay Ilaah u yimaadaan, inay helaan dembidhaaf oo ay dhaxal la helaan kuwa qodus laga gaga dhigay rumaysadka ay igu leeyihiin.

Matayos 4:1, 10, 11

Goortaasaa Ruuxu Ciise cidlada u kaxeeyey in Ibliisku jirrabo. Markaasaa Ciise wuxuu ku yidhi, Shaydaan yahow, bax, waayo, waa qoran tahay, Waa inaad caabuddo Rabbiga Ilaahaaga ah oo waa inaad isaga keliya u adeegto.

Yooxanaa Kowaad 3:8

Kii dembi falaa wuxuu yahay kan Ibliiska; oo Ibliisku tan iyo bilowgii ayuu dembaabayay. Taas aawadeed ayuu Wiilka Ilaah u muuqday inuu baabi'yo shuqulada Ibliiska.

Tesaloniika Labaad 2:8

Markaas waxaa la muujin doonaa sharcilaawaha, kan Rabbi Ciise ku halligi doono neefta afkiisa, oo imaatinka muuqashadiisa uu ku baabi'in doono.

Cibraaniyada 2:14

Carruurta waxay qayb ka heleen jidh iyo dhiig, taas aawadeed isaguna sidaas oo kale ayuu uga qayb qaatay, inuu dhimasho ku

baabi'yo kii xoogga dhimashada lahaa, oo ah Ibliiska.

Rooma 8:35, 37

Yaa jacaylka Masiixa inaga sooci doona? Ma dhibaato, mise cidhiidhi, mise silic, mise baahi, mise arrad, mise khatar, mise seef? Maya, waxyaalahan oo dhan dhexdooda aad baynu ugu guulaysannaa kii ina jeclaa xaggiisa.

Yacquub 4:7, 8

Haddaba Ilaah ka dambeeya, laakiin Ibliiska hor joogsada, wuu idinka carari doonaaye. U soo dhowaada Ilaah, isaguna wuu idiin soo dhowaan doonaa.

Yooxanaa Kowaad 3:14

Waxaynu og nahay inaynu dhi-mashada ka soo gudubnay oo ay-nu u soo gudubnay nolosha, ma-xaa yeelay, walaallaha ayaynu je-cel nahay. Oo ka aan walaalkii jeclayn, dhimashaduu ku sii hadhaa.

Galatiya 5:22, 23

Midhaha Ruuxu waa jacayl, farxad, nabad, dulqaadasho, roo-naan, wanaag, aaminimo, qa-bownimo, iscelin.

Korintos Kowaad 13:1

Haddaan ku hadlo afafka dadka iyo malaa'igaha, laakiinse

aanan jacayl lahayn, waxaan noqday naxaas dhawaaqaysa ama saxan bir ah oo sanqadhaya oo kale.

Yooxanaa 13:35

Sidaasay dadka oo dhammi i-dinku garan doonaan inaad xer-taydii tihiin, haddaad jacayl isu qabtaan.

Yooxanaa Kowaad 4:20

Haddii qof yidhaahdo, Ilaah waan jecelahay, oo uu walaalkiis neceb yahay, waa beenaaleh, ma-xaa yeelay, kan aan jeclayn wa-laalkii uu arko sidee buu u jec-laan karaa Ilaaha uusan arag?

MASIIXU QALBIGUU KU JIRO FARXAD 27 BUU SIIYAA

Yooxanaa 17:13

Haddana waan kuu imanayaa, oo waxyaalahan ayaan ku hadlayaa intaan dunida joogo inay haystaan farxaddayda oo ay ka buuxsanto iyaga.

Yooxanaa 15:11

Waxaan waxyaalahaas idiinkula hadlay in farxaddaydu idinku jirto, iyo inay farxaddiinnu buuxsanto.

Rooma 14:17

Boqortooyada Ilaah ma aha cunid iyo cabbid, lakiinse waa xaqnimada iyo nabadda iyo farxadda ku jira Ruuxa Qoduuskaa.

Galatiya 2:20

Waxaa iskutallaabta laygula qodbay Masiixa, laakiin weli waan noolahay. Aniga ma aha kan nooli, laakiin Masiix ayaa igu dhex nool, oo nolosha aan haatan jidhka ku dhex noolahay waxaan ku noolahay rumaysadka xagga Wiilka Ilaah, kan i jeclaa-day oo naftiisa u bixiyey daraad-day.

Sabuur 16:11

Waxaad i tusi doontaa jidka nolosha: hortaada farxad baa ka buuxda; gacantaada midigna nimco baa ku jirta weligeed.

Luukos 11:13

Haddaba idinka oo sharleh haddaad garanaysaan inaad hadiyado wanaagsan carruurtiinna siisaa, intee ka badan ayaa Aabbihiinna jannada ku jiraa Ruuxa Qoduuska ah uu siin doona kuwa isaga weydiista?

Falimaha 1:8

Laakiinse waxaad heli doontaan xoog markii Ruuxa Qoduuska ahi idinku soo dego; oo markaatiyaal ayaad iiga noqon doontaan.

Xesqiyel 36:27

Ruuxayga ayaan idin dhex gelin doonaa, oo waxaan idinka dhigi doonaa inaad qaynuunna-

dayda ku socotaan, xukumma-daydana waad xajin doontaan, waadna samayn doontaan.

Rooma 8:9

Laakiin idinku kuma aad dhex jirtaan jidhka, illowse waxaad ku dhex jirtaan Ruuxa, haddii Ruuxa Ilaah idinku dhex jiro. Laakiin nin hadduusan Ruuxa Masiiha lahayn, dee kaasuu kiisii ma aha.

Falimaha 4:31

Oo markay tukadeen dabadood, meeshay ku urursanaayeen baa gariirtay; oo dhammaantood waxaa ka wada buuxsamay Ruuxa Qoduuska ah, oo hadalkii Ilaah bay dhiiranaan ugu hadleen.

BALLANQAADYO LOO QAADAY KUWA LA DUUFSADO

29

Cibraaniyada 2:18

Ciise, isaga qudhiisu wuu xanuunsaday isagoo la jirrabay, taas aawadeed wuu karaa inuu caawiyayo kuwa la jirrabo.

Sabuur 34:19

Kan xaqa ah dhibaatooyinkiisu way tiro badan yihiin, laakiinse Rabbigu waa ka samato bixiyaa dhammaantoodba.

Isayos 43:2

Markaad biyaha dhex maraysid, waan kula jiri doonaa, oo markaad webiyaasha dhex qaadaysidna, kuma qarqin doonaan, markaad dabka ku dhex socotid-

na ma guban doontid, ololkuna kuma qabsan doono.

Rooma 8:28

Waxaynu og nahay in wax waliba wanaag ugu wada shaqeyaan kuwa Ilaah jecel, xataa kuwa qasdigiisa loogu yeedhay.

Korintos Kowaad 10:13

Jirrabaadna idinma qabsan tan dadka wada qabsata mooyaane, laakiin Ilaah waa aamin, mana oggolaan doono in laydin jirrabo intaad karaysaan, in ka badan, laakiin markii laydin jirrabo wuxuu samayn doonaa jid aad kaga baxsataan si aad ugu adkaysan kartaan.

BALLANQAADYO LOO QAADAY KUWA DEMBIGA KA ADKAADA

Muujintii Ciise Masiix 3:21

Kii guulaysta, waxaan siin doonaa amar u carshigayga igula fadhiiisto, sida aan aniguba u guulaystay, oo aan Aabbahay ugula fadhiiistay carshigiisa.

Muujintii Ciise Masiix 21:7

Kii guulaystaa wuxuu dhaxli doonaa waxyaalahan, oo anna waxaan isaga u ahaan doonaa Ilaah, isna wuxuu ii ahaan doonaa wiil.

Muujintii Ciise Masiix 2:7

Kii dheg lahu ha maqlo waxa Ruuxu ku leeyahay kiniisadaha. Kii guulaysta ayaa waxaan siin doonaa amar uu wax kaga cuno

geedka nolosha oo ku dhex yaal Firdooska Ilaah.

Isayos 12:3

Haddaba farxad baad biyo kaga dhaansan doontaan ceelasha badbaadada.

Muujintii Ciise Masiix 3:12

Kii guulaysta waxaan ka dhigi doonaa tiir ku jira macbudka Ilaahayga, halkaasna mar dambe kama bixi doono, oo waxaan dushiisa ku qori doonaa magaca Ilaahayga, iyo magaca magaalada Ilaahayga, taas oo ah Yerusalemta cusub, oo samada iyo xagga Ilaahayga ka soo degaysa, iyo xataa magacayga cusub.

BALLANQAADYO YAAB LEH OO MASIIXIYIINTA 31 LOO QAADAY

Sabuur 34:18

Rabbigu waa u dhow yahay kuwa dembigooda ka caloolyey-san, oo kuwa ruuxoodu qooma-maysan yahayna wuu badbaadi-yaa.

Isayos 66:2

Waxyaalahan oo dhan gacan-taydaa samaysay, oo waxyaala-han oo dhammuna way wada a-haadeen, ayaa Rabbigu leeyahay, laakiinse ninkan waan fiirinayaa, kaasoo ah miskiin, ruuxiisuna ja-ban yahay, eraygaygana ka ga-riira.

Butros Kowaad 4:12, 13
Gacaliyayaalow, ha la yaabina

jirrabaadda dabka ah oo idinku dhex dhacday in laydiin tijaabiyo sida iyadoo ay idinku dhaceen wax la yaab lihi. Laakiinse sidaad u tihiin kuwo ka qayb qaatay waxyaalaha Masiixu ku xanuun-saday, farxa, inaad farxad aad u weyn ku faraxdaan marka ama-maantiisa la muujiyo.

Muujintii Ciise Masiix 21:4

Ilaah. . . oo isna indhahooda ilmo kastuu ka tirtiri doonaa, oo dhimashona mar dambe ma jiri doonto, oo mar dambena ma jiri doonaan murug iyo oohin iyo xa-nuun toona, waayo, waxyaalihii hore way dhammaadeen.

32 QODUUSNIMADU RABBIGA HA U AHAATO

Luukos 1:74, 75

Inuu ina siiyo innagoo cadaa-wayaaasheenna gacmahooda laynaga bixiyey inaynu baqdinla'aan isaga ugu hawshoonno qoduusnimada iyo xaqnimada isaga hortii-sa cimrigeenna oo dhan.

Korintos Labaad 7:1

Haddaba, gacaliyayaalow, innagoo ballamadan haysanna, aan iska safayno nijaas kasta oo jidhka iyo ruuxa ku jirta, innagoo qoduusnimada kaamilayna oo Ilaah ka cabsanayna.

Timoteyos Labaad 2:21

Sidaas daraaddeed haddii nin iska daahirsho kuwan, kaasu wuxuu ahaan doonaa weel sharaf

leh, oo qoduus laga dhigay, oo sayidka wax u tara, oo shuqul kasta oo wanaagsan loo diyaariyey.

Butros Kowaad 1:2

Qariibbada. . . oo lagu doortay aqoontii Ilaaha Aabbaha ahu hore u sii ogaa, oo qoduus lagaga dhigay Ruuxa, xagga addeecidda iyo rushaynta dhiiggii Ciise Masiix. Nimco iyo nabadu ha idiin bateen.

Butros Kowaad 1:15

Siduu kan idiin yeedhay qoduuska u yahay, idinkuna sidaas oo kale dabiicaddiinnaa oo dhan qoduus ku ahaada.

Isayos 35:8

Waxaa halkaas jiri doona jid weyn, oo waxaa jidka loo bixin doonaa Jidkii Qoduusnimada, kuwa aan daahirsanaynuna ma mari doonaan, laakiinse waxaa leh kuwa isaga jidka la socda, oo xataa nacasyaduna kuma qaldami doonaan.

Cibraaniyada 13:12

Sidaas daraaddeed Ciisena si uu dadka qoduus ugaga dhigo dhiiggiisa wuxuu ku xanuunsaday iridda dibaddeeda.

Yooxanaa Kowaad 1:9

Haddaynu dembiyadeenna qiranno, isagu waa aamin iyo caa-

dil inuu dembiyadeenna inaga cafiyo, oo uu inaga nadiifiyo xaqdarrada oo dhan.

Matayos 3:11

Anigu biyo ayaan idinku baabtiisaa ilaa toobadda, laakiin kan iga daba imanayaa waa iga itaal weyn yahay, kan aanan istaahilin inaan kabiihiisa u qaado. Isagu wuxuu idinku baabtiisi doonaa Ruuxa Qoduuska ah iyo dab.

Efesos 1:4

Xataa siduu inoogu doortay isaga dhexdiisa intaan dunida la aasaasin ka hor inaynu qoduus ahaanno oo iin la'aanno isaga hortiisa, isagoo ina jecel.

Isayos 32:17

Xaqnimada shuqulkeedu wuxuu ahaan doonaa nabad, xaqnimaduna weligeed waxay keeni doontaa xasilloonaan iyo kalsooni.

Galatiya 4:6

Oo wiilashiisa aad tihin daraaddeed ayaa Ilaah u soo diray Ruuxa Wiilkiisa qalbiyadeenna dhexdooda, isagoo dhawaaqaya oo leh, Aabbow.

Yooxanaa 14:21

Kii qaynuunnadayda haysta oo xajiya, waa kaas kan i jecel, kan i jecelna Aabbahay waa jeclaan

doonaa, anna waan jeclaan doonaa, waana isu muujin doonaa isaga.

Rooma 8:16

Ruuxa qudhiisu wuu markhaati furaa oo wuxuu ruuxeenna u sheegaa inaynu innagu nahay carruurta Ilaah.

Yooxanaa Kowaad 3:18, 19

Carruurtaydiiyey, yaynaan ku jeclaanin hadalka iyo afka toona, laakiin camalka iyo runta aan ku jeclaanno. Oo taasaynu ku garan doonnaa inaynu kuwa runta nahay, oo aynu isaga hortiiisa qalbigeenna kaga dhiiro gelin doonaa.

Yooxanaa 11:43, 44

Markuu sidaas ku hadlay dabadeed wuxuu ku dhawaaqay cod weyn, Laasarosow, soo bax. Markaasaa kii dhintay soo baxay, isagoo gacmaha iyo cagaha ay kafaan kaga xidhan tahay, wejigana maro kaga xidhan tahay. Kolkaasuu Ciise wuxuu ku yidhi iyaga, Fura oo daaya, ha socdee.

Yooxanaa 10:17, 18

Sidaas daraaddeed Aabbuhu waa i jecel yahay, waayo, naftaydaan bixiyaa inaan mar kale qaato. Ninna igama qaado, laakiin anaa iska bixiya. Waxaan leeyahay amar aan ku bixiyo, waanan

leeyahay amar aan haddana ku soo qaato. Amarkan waxaan ka helay Aabbahay.

Luukos 7:14, 15

Intuu ku soo dhowaaday, ayuu taabtay rabrabtii. Kuwii sidayna way joogsadeen. Markaasuu yidhi, Dhallinyarow, waxaan kugu leeyahay, Kac. Kolkaasaa kii dhintay sara fadhiistay oo bilabay inuu hadlo.

Muujintii Ciise Masiix 1:18

Anigu waxaan ahay kan nool. Anigu waan dhintay, oo bal eeg, waan nool ahay tan iyo weligayba, oo waxaan haystaa fura yaasha dhimashada iyo Haadees.

Yooxanaa 8:23

Wuxuu ku yidhi iyaga, Idinku waxaad tihiin kuwa hoosta, aniguse waxaan ka mid ahay kuwa sare. Idinku waxaad tihiin kuwa dunidan, aniguse mid kama ihi kuwa dunidan.

Yooxanaa 10:7

Haddaba Ciise ayaa mar kale ku yidhi, Runtii, runtii, waxaan idinku leeyahay, Waxaan ahay il-linka iduhu ka soo galaan.

Yooxanaa 11:25

Ciise ayaa ku yidhi, Anigu waxaan ahay sarakicidda iyo nolosha. Kii i rumaystaa, in kastoo uu dhinto, wuu noolaan doonaa.

Yooxanaa 6:35

Markaasaa Ciise wuxuu ku yidhi, Anigu waxaan ahay kibista nolosha. Kii ii yimaadaa ma gaa-joon doono, kii i rumaystaana ma harraadi doono weligiis.

Yooxanaa 13:13

Waxaad iigu yeedhaan, Macallin iyo Sayid, waadna ku hagaagsan tihiin, waayo, waan ahay.

Yooxanaa 9:5

Intaan dunida joogo, waxaan ahay nuurkii dunida.

Yooxanaa 8:58

Ciise wuxuu ku yidhi, Runtii, runtii, waxaan idinku leeyahay, Intaan Ibraahim jirin anaa ah.

Matayos 20:30, 34

Laba nin oo indhala' ayaa jidka ag fadhiyey, oo goortay maqleen in Ciise ag marayo ayay qayliyeen iyagoo leh, Sayidow, ina Daa'uudow, noo naxariiso. Ciise intuu u naxariistay ayuu indhahooda taabtay oo kolkiiba wax bay arkeen, wayna raaceen.

Matayos 14:19-21

Kolkaasuu dadkii badnaa ku amray inay cawska ku fadhiistaan. Isaguna wuxuu qaaday shantii kibsood iyo labadii kalluun, oo intuu cirka eegay ayuu barakadeeyey oo kibistii kala jebiyey oo xertiisii siiyey, xertiina

dadkii badnaa bay siiyeen. Dhammaantood way wada cuneen oo ka dhergeen, oo waxay soo guureen jajabkii hadhay oo laba iyo toban dembiilood ka buuxa. Kuwii cunayna waxay ku dhowaayeen shan kun oo nin oo aan naagaha iyo carruurta ku jirin.

Luukos 5:5, 6

Simoon baa u jawaabay oo ku yidhi, Macallimow, xalay oo dhan ayaannu hawshoonnay, waxbana ma aannu qaban, laakiin hadalkaaga dartii shabagyaada waan dejinayaa. Goortay waxaas yeeleen waxay ku qabteen kalluun tiro badan, shabagyadooduna way kala dillaaci gaadheen.

38 CIISE MASIIX WAA ABUURAHA IYO RABBIGA

Cibraaniyada 1:2

Laakiin maalmahan ugu dambaystoda Ilaah wuxuu inagula hadlay Wiilkiisa uu ka dhigay kan wax walba dhexala, kan uu duniyooyinkana ku sameeyey.

Falimaha 2:36

Reer binii Israa'iil oo dhammu aad ha u ogaadeen in Ilaah ka dhigay Rabbi iyo Masiixba Ciisahan aad iskutallaabta ku qodobteen.

Kolosay 1:16

Wax kastaba isagaa uumay, waxyaalaha samooyinka ku jira, iyo waxyaalaha dhulka joogaba, waxyaalaha la arki karo iyo waxyaalaha aan la arki karinba, had-

day yihiin carshiyo, ama sayidniimo, ama madax, ama amarro; wax walba isagaa uumay oo loo uumay.

Korintos Kowaad 1:9

Ilaah waa aamin, kan xaggiisa laydiinku yeedhay xidhiidhka Wiilkiisa Ciise Masiix ee Rabbi-geenna ah.

Rooma 14:9

Waayo, sababtaasaa Masiixu u dhintay, una soo noolaaday inuu Rabbi u noqdo kuwii dhintay iyo kuwa noolba.

Yooxanaa 1:3

Wax walba waxaa laga sameeyey xaggiisa, oo wixii la sameeyey lama samayn isaga la'aantiis.

CIISE MASIIX WAA XAAKINKA DADKA OO DHAN

39

Rooma 2:16

Maalinta Ilaah waxyaalaha qarsoon ee dadka ku xukumi doono Ciise Masiix sida injiilkaygu leeyahay.

Matayos 25:32

Quruumaha oo dhan ayaa hortiisa lagu soo ururin doonaa oo wuxuu u kala sooci doonaa mid mid sida adhijirku u kala sooco idaha iyo riyaha.

Rooma 14:10

Adigu maxaad walaalkaa u xukuntaa? amase adigu maxaad walaalkaa u quudhsataa? Waayo, kuligeen waxaynu hor istaagi doonaa kursiga xukumaadda Ilaah.

Timoteyos Labaad 4:1

Waxaan kugu amrayaa Ilaah hortiis iyo Ciise Masiix oo xukumi doona kuwa nool iyo kuwii dhintayba hortiisa, oo waxaan kalsoo kugu amrayaa muuqashadiisa iyo boqortooyadiisa.

Yooxanaa 5:22

Aabbuhu ninna ma xukumo, laakiin xukunka oo dhan wuxuu siiyey Wiilka.

Falimaha 10:42

Wuxuu nagu amray inaannu dadka wacdinno, aannuna markaati u furno inuu kanu yahay kii Ilaah ka dhigay xaakinka kuwa nool iyo kuwa dhintayba.

40 DHIIGGA MASIIXA AYAA KAFAAROGUD LAGU HELI KARAA

Efesos 1:7

Isaga, sida ay hodantinimada nimcadiisu tahay, waxaynu dhiiggiisa ku leennahay madaxfurasho ah dembidhaafkeenna.

Cibraaniyada 9:14

Intee ka badan ayuu dhiigga Masiix, kan Ruuxa weligiis ah i-sugu bixiyey Ilaah isagoo aan eed lahayn, niyadiinna ka nadiifin kara shuqullada dhintay si aad ugu adeegtaan Ilaaha nool?

Butros Kowaad 1:18, 19

Waxaad og tihiin inaan dabii-caddiinnii bilaashka ahayd oo

aad awowayaashiin ka dhaxa-sheen laydinkaga soo furan waxyaalaha baaba'aya oo ah sida lacagta iyo dahabka, laakiinse waxaa laydinku soo furtay dhiiggii qaaliga abaa oo Masiix oo ah sidii wan yar oo aan wax ceeb ah iyo iin toona lahayn.

Yooxanaa Kowaad 1:7

Laakiin haddaynu nuurka ku soconno siduu isaguba nuurka ugu jiro, wehelnimo ayaynu isla wada wadaagnaa, oo dhiigga Ciise, oo Wiilkiisa ah, wuxuu inaga nadiifiyaa dembi oo dhan.

RUMAYSADKA MASIIXA LA RUMAYSTO AYAA LAGU BADBAADAA

41

Efesos 2:8, 9

Idinku waxaad ku badbaadeen nimco xagga rumaysadka, mana aha, wax xaggiinna ka yimid, laakiinse waa hadiyadda Ilaah, mana aha xagga shuqullada, si aan ninna ugu faanin.

Rooma 5:1

Sidaas daraaddeed innagoo xaq laynagaga dhigay rumaysad, nabad baynu xagga Ilaah ku hayanna Rabbigeenna Ciise Masiix.

Yooxanaa 6:28, 29

Sidaas aawadeed waxay ku yidhaahdeen, Maxaannu yeelnaa si aannu shuqullada Ilaah u sa-

maynno? Ciise ayaa u jawaabay oo ku yidhi, Kanu waa shuqulkii Ilaah inaad rumaysataan kii uu soo diray.

Galatiya 5:6

Maxaa yeelay, xagga Ciise Masiix gudniinta iyo buuryoqabnimada midna wax ma tarto, laakiinse waxaa wax tara rumaysadka ku shaqeeya jacayl.

Yooxanaa 20:31

Waxyaalahan waxaa loo qoray inaad rumaysataan inuu Ciise yahay Masiixa, Wiilka Ilaah, iyo inaad nolosha ku lahaataan magaciisa idinkoo rumaysanaya.

Rooma 5:8

Masiixu waa inoo dhintay intaynu weli dembiilayaal ahayn, oo sidaasuu Ilaah jacaylkiisii inoogu muujiyey.

Yooxanaa 3:16

Ilaah intuu dunida jacayl u qabay ayuu siiyey Wiilkiisa keliya oo dhashay in mid kastoo isaga rumaystaa uusan lumin laakiinse uu lahaado nolosha weligeed ah.

Yeremiyah 31:3

Rabbigu waa horuu ii muuqday, oo wuxuu igu yidhi, Waxaan kugu jeclaaday jacayl daa'imis

ah, oo sidaas daraaddeed raxmad baan kugu soo jiiday.

Muujintii Ciise Masiix 1:5

Xagga Ciise Masiix oo ah markhaatiga aaminka ah, iyo curadka kuwii dhintay, iyo amiirka boqorrada dhulka. Kan ina jecel oo dembiyadeenna dhiiggiisa inaga furay.

Yooxanaa 13:1

Iidda Kormaridda horteed Ciise wuxuu garanayay inay timid saacaddiisii uu dunidan ka tegi lahaa ilaa Aabbaha, oo siduu u jeclaa kuwiisii dunida joogay, ayuu jeclaa tan iyo dhammaadka.

Timoteyos Kowaad 3:16

Muranla'aan qarsoodiga cibaa-dadu waa weyn yabay. Isaga jidh baa lagu muujiyey, oo ruux baa xaq laga caddeeyey, malaa'iguhuna way arkeen, quruumahana waa laga dhex wacdiyey, dunidana waa laga rumaystay, amaanna kor baa loogu qaaday.

Yooxanaa 14:9, 10

Markaasaa Ciise wuxuu ku yidhi, Ma intaas badan baan idinla joogay, oo aanad i garanaynin, Filibosow? Kii i arkay wuxuu arkay Aabbaha. Sidee baad u leedahay, Aabbaha na tus? Miyaadan rumaysan inaan Aabbaha ku jiro, Aabbuhuna uu igu jiro?

Matayos 1:22, 23

Waxaas oo dhan waxay u dhaceen in la arko wixii Rabbigu kaga dhex hadlay nebiga, isagoo leh, Gabadh bikrad ah baa uu-raysan doonta oo wiil umuli doonta, magaciisana waxaa loo bixin doonaa, Emmanu'eel; kan micnihiisu yabay, Ilaah baa inala jooga.

Yooxanaa 1:1, 14

Bilowgii waxaa jiray Hadalka, Hadalkuna wuxuu la jiray Ilaah, Hadalkuna wuxuu ahaa Ilaah. . . . Hadalkuna jidh buu nopday, oo waa ina dhex joogay. . . isagoo nimco iyo run ka buuxa.

Kolosay 2:9

Buuxnaanta Ilaahnimada oo dhammu waa ku jirtaa isagoo jidh leh.

Isayos 9:6

Waxaa inoo dhashay ilmo, waxaa layna siiyey wiil; oo boqornimadu garbihiisa waa saarmi doontaa: oo magaciisana waxaa loo bixin doonaa Ka yaabkaleh, iyo Taliye, iyo Ilaaha Xoogga leh, iyo Aabbaha Daa'imka ah, iyo Amiirka Nabadda.

Luukos 1:35

Malaa'igtii waa u jawaabtay oo ku tidhi, Ruuxa Qoduska ah ayaa kugu soo degi doona, oo

xooggii Kan ugu sarreeya ayaa hoosiis kuu noqon doona, sidaa darteed kan qoduska ah oo kaa dhalan doona waxaa loogu yeedhi doonaa Wiilka Ilaah.

Yooxanaa Kowaad 4:15

Ku alla kii qirta inuu Ciise yahay Wiilka Ilaah, Ilaah baa ku sii jira isaga, isaguna wuu ku sii jiraa Ilaah.

Matayos 17:5

Intuu weli hadlayay, daruur dhalaalaysa ayaa hadhaysay, oo cod baa daruurtii ka soo baxay oo yidhi, Kanu waa Wiilkayga aan jeclahay oo aan ku faraxsanahay. Maqla isaga.

Yooxanaa 20:26-28

Siddeed maalmood dabadeed xertiisii gudaha ayay mar labaad wada joogeen, oo Toomasna waa la joogay. Markaasaa Ciise yimi, albaabbadii oo xidhan, oo intuu isdhex taagay ayuu ku yidhi, Nabadii ha idinla jirto. Markaasuu Toomas ku yidhi, Fartaada keen oo arag gacmahayga, oo gacantaadana keen oo geli dhinacayga, oo ha rumaysad la'aanin laakiin rumayso. Toomas ayaa jawaabay oo ku yidhi, Rabbigay iyo Ilaahayow.

Falimaha 10:39-41

Annagu markhaatiyaal baannu ka nahay waxyaalihii oo dhan oo

uu ku sameeyey waddanka Yuhuudda iyo Yerusaaalem labadaba. Isaguna waa kii ay dileen markay geedkii ka soo deldeleen. Isaga Ilaah baa maalintii saddexaad sara kiciyey, oo bayaan u muujiyey, uma muujin dadka oo dhan, laakiin wuxuu u muujiyey markhaatiyaashii Ilaah hore u doortay, xataa annaga oo isaga wax la cunnay oo la cabnay markuu kuwii dhintay ka soo sara kacay dabadeed.

Rooma 4:25

Kii loo bixiyey xadgudubkeenna aawadiis oo loo sara kiciyey inuu xaq inaga dhigo.

SARAKICIDDU WAA RAJADEENNA AMMAANTA LEH

Yooxanaa 5:25, 28, 29

Runtii, runtii, waxaan idinku leeyahay, Saacaddu waa imanaysaa, waana joogtaa, markii kuwii dhintay codkii Wiilka Ilaah ay maqli doonaan, oo kuwa maqlaana way noolaan doonaan. Taas ha la yaabina, waayo, saacaddu waa imanaysaa markii kuwa xabaalaha ku jira dhammaantood ay codkiisa maqli doonaan, wayna ka soo bixi doonaan, kuwa wanaagga falay ilaa sarakicidda nolosha, kuwa sharka falayna ilaa sarakicidda xukunka.

Rooma 6:3-5

Ma waydaan ogayn in kulli intenna lagu baabtiisay Ciise Masiix dhexdiisa, lagu dhex baabtiisay dhimashadiisa? Haddaba waxaynu isaga kula aasannay baabtiiska dhimashada dhexdeeda, in, sidii Masiixa kuwii dhintay loogaga sara kiciyey ammaanta Aabaha, aan innaguna sidaas oo kale cusaybka nolosha ku dhex soconno. Haddaynu isaga kula midownay dhimasho tiisa u eg, dee sidaas oo kalena sarakicid tiisa u eg, waynu kula midoobi doonnaa.

Yooxanaa 14:3

Haddaan tago oo meel idiin diyaariyo, mar dambe waan soo noqon doonaa, oo xaggaygaan idiin qaadan doonaa, in meeshaan joogo, idinkuna aad joogtaan.

Matayos 24:27

Sida hillaacu bari uga yimaado oo u ifiyo galbeed, sidaas oo kale ayaa imaatinka Wiilka Aadanahu ahaan doonaa.

Markos 8:38

Haddaba ku alla kii qarnigan dembiga iyo sinada leh kaga xi-shooda aniga iyo hadalkaygaba, Wiilka Aadanaha ayaa ka xi-

shoon doona isaga markuu ammaantii Aabihiis kula yimaado malaa'igaha qoduska ah.

Matayos 24:30

Markaasaa waxaa cirka ka soo muuqan doona calaamada Wiilka Aadanaha, markaas ayaa qoloo-yinka dhulka oo dhammu barooran doonaan, oo waxay arki doonaan Wiilka Aadanaha oo daruuraha cirka ku imanaya isagoo leh xoog iyo ammaan weyn.

Yacquub 5:8

Idinkuna dulqaata, qalbiyadiinana xoogeeya, waayo, imaatinka Rabbigu wuu dhow yahay.

Matayos 16:27

Wiilka Aadanahu wuxuu ammaanta Aabbihis kula iman doonaa malaa'igihisa, markaasuu nin kasta ugu abaalgudi doonaa siduu falay.

Luukos 21:27

Markaasay arki doonaan Wiilka Aabanaha oo daruur ku imanaya, isagoo leh xoog iyo ammaan weyn.

Yooxanaa Kowaad 3:2

Gacaliyayaalow, imminka waxaynu nabay carruurta Ilaah; oo weli waxaynu noqon doonno lama muujin, laakiin waxaynu og nabay in goortuu muuqdo aynu

noqon doonno sidiisa oo kale, waayo, waynu arki doonnaa isaga siduu yahay.

Luukos 12:40

Idinkuna diyaar ahaada, waayo, saacad aydnaan u malaynaynin ayaa Wiilka Aadanahu imanayaa.

Falimaha 1:11

Waxay ku yidhaahdeen, Niman kiinan reer Galiliyow, maxaad la taagan tibiin oo aad samada u eegaysaan? Ciisahan samada laydiinka sare qaaday, sidaad u aragteen isagoo samada u socda oo kale ayuu u iman doonaa.

HADALKII ILAAH

Cirka iyo dhulku waa idlaan doonaan, laakiinse hadalladaydu ma idlaan doonaan.

–Luukos 21:33

Ciise ayaa u jawaabay oo ku yidhi, Waad qaldan tihiin oo garan maysaan Qorniinka iyo xoogga Ilaah. –Matayos 22:29

Wixii nebiyadii sii sheegeen weligood kuma ay iman dadka doonistiisa, laakiinse dad Ruuxa Qoduuska ahu waday ayaa xagga Ilaah kaga hadlay.

–Butros Labaad 1:21

Qorniin kastaa wuxuu ku ahaaday Ruuxa Ilaah oo waxtar buu u leeyahay waxbaridda, iyo canaanashada, iyo haggajinta, iyo edbinta xagga xaqnimada. –Timoteyos Labaad 3:16

Waxaan eraygaagi qalbigayga ugu kaydsaday si aanan kuu gu dembaabin. –Sabuur 119:11

Eraygaagu wuxuu cagahayga u yahay laambad, waddooyinkaygana iftiin. –Sabuur 119:105

The Scripture text is from the Bible in Soomaali, used by permission of United Bible Societies Africa Regional Centre, Nairobi, Kenya.